

Zeitschrift: Annalas da la Societad Retorumantscha
Herausgeber: Societad Retorumantscha
Band: 15 (1901)

Artikel: Poesias da Eduard Muoth
Autor: Muoth, Eduard
DOI: <https://doi.org/10.5169/seals-183133>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>



1. Matg 1899.

- | | |
|---|---|
| 1. Si, cantei, Grischuns!
Celebrei oz la victoria
De voss glorius babuns!
Venerei la lur memoria!
Igl ei buc gloria vana
Sche nus ad ault alzein
Nies Benedetg Fontana,
Ded el segloriein! | 3. La »evla« sto fugir
Avon igl »um salvadi«;
Anavos sto ella ir
Sin sanguinus viadi!
Denton l'aurora catscha,
Si va cun majestad
Sur la patria fatscha
Sulegl de libertad! |
| 2. El gron combatt de Calven
Las ligias treis unidas,
La libertad nus salven
Entras lur fermas fridas;
Sin il rampar hostile
Il herox de Salux
Alzond il tun gueril
Cugl inimitg fa flux! | 4. Perquei, Grischuns, cantei
In hymnus jubilont:
Sin voss babuns mirei,
E mei els imitont!
Lur saung — il fundament
De nossa libertad,
Quel resti tschentament
De nossa unitad! |

2. Il badugn.

- | | |
|---|---|
| 1. Jeu sai in pievelet,
In pievelet de plontas;
El par' in pauperet,
Vertits denton ha tontas! | 2. Cu il sulegl branzina
Traso pli marvegl,
El stat si en furtina,
Salida il sulegl. |
|---|---|

3. En vistgiu el tila
Alvs sco igl argièn,
In verd vel lu el fila
Sur tgau sco in falièn.
4. Ferton che pègn e fau
Aunc sieman d' in comet,
Badugn ha schon alzau
Bandiera de profet:
5. Lai ella sgalschar
Bandiera de speronza,
Fa ella publicar
E dar la declaronza:
6. »Unviern, tirann crudeivel,
Cheu has tiu passaport!
Mo va ti unfiseivel,
Magari alla mort!
7. Storschiu has ditg avunda
Sut tiu dir giuv nies tgau,
Tier nus sei uss la runda
De si alzar il tgau.
8. Il tiu tgau lein nus tunder,
Giu tunder las macortas;
Sche ti lais buc il blunder,
Sche hai jeu era tortas!
9. Tortas hai jeu tontas
Sco novs cavells sin tgau:
Sai ceder enzacontas
Per dar a ti in pau!«
10. Ed uss er tschellas plontas,
Scurladas dal favugn,
Daventan smanatschontas,
Sustegnau il badugn.
11. Quel ri e scrol' il tgau:
»Jeu drovel buca vus!
Ti pègn ed er ti fau,
Vus mo mirei siu vus!
12. Unviern ei schon sbrigauss
Sisum il vegl Badus;
Per vus aunc ditg fuss staus
Avon il nas a vus!
13. En nossa ferm' armada
Batteria sun montana,
Adina bein postada;
Cun tut sun buca vana.
14. Sestendel buc ensi,
Hai buca loschas miras,
Serasel en rudì,
E hai er giugadiras.
15. Nus tscherca il rodè.
Dei dar buna iseglia,
E sper il lenn nugè
Bugien el nus caveglia.
16. Perfin caluster mira
E suenter nus lagegia;
El tegn siu nus la dira,
De survignir haregia.
17. El tempel nus el porta:
Verdus sper igl altar,
Verdus avon la porta
Guardia stuein nus star.
18. Denton nus essen biars,
Enqual po bein morir;
Schegie in pau pli rars,
Pudein nus er vertir.
19. Nies saung ei medeschina
A beinenqual che plira,
Perfin nies vel targlina
In pau la mort, la dira.
20. La megliera medeschenna
Ch' a tuts nus stuein furnir —
Vegn 's bein saver tgeinina —
La fa gie tuts bargir!«



3. Il ruver.

1. Cumin in di fìgevan
Las plantas digl uault;
Decider ellas levan
Tgi dei vignir ad ault.
 2. Elegier ellas levan
In retg per lur honur;
Mirar perquei stuevan
Siu forza e valor.
 3. »Nies Aug — entscheiv' il
 schiember —
Meretta per statura
Sco dils merets il diember
La favur en questa ura.«
 4. »Oho! — leu clomm' il sa-
 lisch —
Vus auters grons gliemaris!
Sch'ins vess aunc detg il
 larisch —
Mo vus, vus trests planaris!«
 5. »Na, na! — marmogn il
 triembel,
Scurlond dabot siu tgau —
Entiert fuss ei a tgiembel,
Sche retg vegn buc nies fau!«
 6. Ed uss ei ferm ramura
Atras las verdas rietschas;
Il plaid sco tun lavura,
Las crestas ein cametschas.
 7. Cun gretta »quels de feglia«
Sin »quels de guilas« miran;
Cun gronda malaveglia
Els tremblan e savilan!
 8. Cheu uss in auter plaيدا,
Igl ei il vegl ischì;
Ei vegn enstaigl ruaida
Silenzi el rudì.
 9. »Jeu sun il vegl de vus,
Hai strusch cavells siu tgau,
Jeu supplicheschel vus
De secalarm in pau.
 10. Tgi has nus liberau
Da nera sclaveria?
Tgi vess bein enblidau
La veglia scrocheria?
 11. Co ei fuva destinau .
Che quella scarp, »la veglia«,
Nus vessi tuts ligiau,
Curdada nossa feglia!
 12. Co lu ei daventau
Che tuts han schau curdar
— Nos vegls han raquintau —
La feglia cun tremblar!
 13. *Sulett nies ferm cheuvia,*
Schi senza loscha mira,
El ha teniu la sia,
El ha teniu la dira.
 14. Nies ruver ha salvau
Si della veglia feglia,
Tochen ch'el ha giu catschau
In tonta nova feglia.
 15. Cu la siarp ei lu vignida ,
Sei stau gronda risada;
La macorta, tarlatida
Sevesa engannada.
 16. En sia gretta ha dau
Al ruver la scarflada,
Ch'el ha dapì lu purtau
La sia feglia nudada.«
 17. Uss quescha il ischì;
Pègn e fau desistan;
Cun tuts en il rudì
Sil ruver els insistan.

18. Sin quel vegn fatg la tscharna, 20. Pègn e fau senclinan
E melli frastgas atulzan E portan la nuviolla;
Tier fulminonta tscharna Lur retg els tuts salidan
Lur mauns e quels ribaulzan! Bitschont sia mantialla!
19. Ed uss en pass festiv,
Ordavon il pègn e fau,
Els van sco tschuppi viv
Per salidar lur cau.
21. Quel di tut serius:
»Bien grau jeu sai a vus:
Nies reginavel glorius
Mantener jeu vi cun vus!«



4. Il tscharschê.

1. Aspect merviglius!
Aspect grondius!
Miu ègl contemplescha
Tscharschê che flurescha.
Tgi dumbra las flurs
Che gli fan las honors?
Tgi buc admira
Quei tschuppi de natira!
Ei flurius en alvur,
Garnius de verdur,
Ha mess el siu tgau
Per far parada in pau,
Per far bialla tschera,
Essent permavera:
Zun bein el caveglia
Tut losch sur l'ureglia;
Aschia conpara
En biallezia rara,
Ella gronda stiva
De natira festiva.
2. Cheu vegnan roschadas
Tut en sgoladas,
Sill' exposiziun
Della fluriziun.
Silla mar de flurs
Balontschan amurs;
- En lur navigada
Fan gronda sunada,
Speront in vinadi
Per finir il viadi.
Tscharschê pompus
Ei era gienerus:
En calischs de flurs
De alvas colurs
Dal sulegl suleraï
Cun rubins ornaï
El porscha in vin,
In superfin!
Che tuts rallegrescha,
Beatifichescha! —
3. Mo ussa puspei
Sin el si mirei!
Svanius ei tschuppi,
Ch'el veva tschei di.
Persuenter cotschnegian,
Tras frastgas cuchegian
Las vestas carinas
Schi cotschnas e finas
De affons amureivels,
Schi bials e legreivels! —
Tscharschê, bien amitg!
Mo porta aunc ditg!

Tiu tschuppi alv
Aunc ditg tegn en salv!
Il Matg finadin
Dai de beiber tiu vin!
E ual schi bia onns
Nus dai tes affons!
Tia permavera
Mai pegli sera!

5. La schamna dil Gieri.

1. Ei schamna puspei al Gion Gieri,
Gion Gieri ei ius a segar;
Sche quei ei buc in hantieri!
Quei ei in »ver sbuserar«!
2. Ei ha »schamnau« e »stuschau«,
Il »tersiel« ei fugius giu Bigliel;
E quels — o fatg sbuserau!
Van si enqunter Cavriel.
3. »Sche mo Gion Gieri fuss cheu!
El mass ch'el dess en venter!
Jeu vi quescher tut tgeu,
Jeu pos gie buca suenter.«
4. Mo nossa giuvna regina
Che sgola pli spert che utschì,
Cun tut ch'ella ei de furtina,
Al patrun vul dir »bien di«.
5. Sch'el lessi forse ad ella
Ch'ei oz gie de viadi,
Forsa dar ina stella
E porscher in vinadi!
6. Vignient culs ses a galopp,
La vesa nies Gieri gries
Che dorma giu en in fopp;
La sgola ad el si dies.

7. E spert l' entira armada
Sper sia gienerala stat eri,
E fa en regulada raspada
Bivouaq sil dies de nies Gieri.
8. Quel ha aschia en sien
Survigniu anetg dies aul,
Mo quei ha era siu bien
Cun tener siu dies a caul!
9. Uss vegn la sia massera,
Tschagegna enqunter Cavriel;
Bugien la udess la canera
Dil sbuserau tersiel.
10. Fertion ch' ella suenter patratga
Tgei dir ni era tgei far.
Ella vegn avon la uatga,
Ch' ins vesa pilvè mo de rar.
11. »Dieus, tgei ventira! clomm' ella —
Tersiel si diès de miu Gieri!
— Quel sedadesta enaquella —
Has schamna si dies! stai eri!«
12. Um va a casa dies crutsch,
Duna cun parisol va suenter!
Quei ei darentau si Melutsch,
Hai nuot pli udiu silsuenter.



6. La flur e la faulsch.

1. Strusch naschida aunc jeu sun
E deiel già murir?
En mes pli giuvens onns jeu stun
E deiel già s-flurir!
2. Mia mumma ei la permavera,
Miu bab ei il suleagl;
Sa ei vignir già stgira sera
Cu glei aunc schi marvegl?

3. O faulsch, neve, aunc buc taluna!
Stai eri en talina!
Aunc buc camegia, buca tuna,
In pau silmeinz targlina!
4. Mo ah! »ei batta!« e quei vul dir:
Ujara ei declarada!
Ei batta! ah! e quei vul dir:
Speronza ei curdada!
5. Curdar pia damaun stuein,
Curdar da mort anetga!
Nus sedefender buc savein,
Mo *in* prenn la vendetga!
6. Igl ei *aviul*, nies alleau,
El porta gittas armas!
El prenn sco in confederau
Vendetg' per nossas larmas!



7. Mel niev.

- | | |
|--|---|
| 1. Curascha, Onda Clara,
Oz mein nus ell' ujara,
Ell' ujara culs Chinès
Cheu vi en ils ualès. | 5. Discus nus entschavein,
El dies els attacchein;
Els quoran cun lur lontscha,
Sco fussen retgs de Frontscha! |
| 2. Lein rumper lur fortezia,
Lein prender lur dulschezia,
Lein far in dulsch butin,
Lein beiber il lur vin! | 6. Mo nus dein canonada
Enqunter la brigada;
Els teman la fimera,
Tarmenta fan canera. |
| 3. Els vegnan vignir de fèl,
Sch'els ston schar ir cul mèl;
Mo nus vein era armas
Per els far sponder larmas. | 7. Els midan lur parada,
E sunan retirada,
Mo paucs cun vehamenza
A nus fan resistenza. |
| 4. Cheu prenn ti, Onda Clara,
La scattla de cigara:
Lein far ad els glimera
Che fa in tec fimera! | 8. Ed uss va en la zeunga
E peglia ferm la spreunga:
In sedrova ton sc' in pô,
Ina buot ei giuadò! |

- | | |
|---|---|
| 9. Mo lur curascha tuorna
Ed els cun gretta stuorna
Vignient sco ina dracca,
Semettan all' attacca: | 15. Nus mein en tgaminada
Per far nossa sufflada:
Las brels ein de svidar
Per saver puspei cargar. |
| 10. Vilai sco Goliats
Els settan lur paliats
Cun tussegai vinadis
Sco fan ils nauschs salvadis. | 16. Pinada ei suffladra,
Unschida la manadra:
Cunti han ins mulau
Per ir cugl sigilau. |
| 11. In ton sc' in po sedosta,
Ei grev de star siu posta!
Ins silla lieunga morda
E lai buc dar la corda! | 17. Sil mêl vegnan sbarbadas
Las patgnas e tschentadas
Ella maschina nova
De Firma Casanova. |
| 12. Puspei va si fimada,
Puspei va retirada;
Ins seglia spert el rin
E fa in niev butin. | 18. Ed uss il scav ramura,
La roda spert susura;
Entuorn va la panaglia,
Fa mêl sufflar sco paglia! |
| 13. Aschia va battaglia,
Ins sevila tut en paglia;
Els fan la cultelada
E nus la surlischada. | 19. Ed uss <i>niev mêl</i> nus vein!
Ed uss schigiar nus lein
Cun il fin gust de Latium,
Quei vin de mêl el Stadium! |
| 14. Finiu ei igl urezi,
Per oz sei armistezi;
Calei de scurlar pera.
Ei va enqunter sera! | 20. Tgei dis de quei niev vin?
Dulsch e superfin!
»Ambrosia giest ei para!«
Manegia l' Onda Clara. |

8. La aura.

- | | |
|---|--|
| 1. »Pertgei has bess la suna,
E has schi schliata luna?
Fas ina stgira tschera
Ed ina mina nera! | 3. Tes ègls, las steilas blauas
Ein oz pilvè spir auas!
Cun neras surventschevias,
Spir zuglias e vadevias! |
| 2. Srentadas las tarscholas
Che seglian sco ansolas;
Las stattan buc rantadas
Ed ein tudî viladas! | 4. Las larmas or sestrocclan,
Sur tias vestas rocclan;
De dolur ei quei rugada,
Pertgei eis contristada?» |

- | | |
|---|--|
| 5. »Amitg, jeu sun oz tresta,
Jeu sun en stgira resta,
Pertgei miu bab, il car,
Ei oz ius silla mar. | 9. »Sch' igl ei mo quei, o buna,
Lu mo seis de buna luna!
Tiu bab sà navigar
Sco gie negin sa far. |
| 6. La mar ei pauc quieta,
Tuttavia buca creta!
Suren fa tut en paglia,
Suten ei spir sfandaglia. | 10. Sia nav ei navigada
Cun forza e parada,
Tras mar gia mellis onns,
E vegn aunc ir bia onns! |
| 7. Ins ha aviert quei sac,
E schau sbrigar quei pac:
Las furias infernalas
Cun lur macortas alas! | 11. Ella ei gie fabricada
E vegn er guvernada
Cun forza e bien senn
Dal meglier capitèn! |
| 8. Cu quellas ein srentadas,
Las vegnan en roschadas,
Tschallattan si la mar
Nua ch' ei il miu bab car!« | 12. Mo prenn perquei, o buna,
Neunavon la buna luna!
E s-catscha tiu cunaura!
Lu sei puspei biall' aura!« |



9. Las Amazonas.

- | | |
|--|---|
| 1. Sas il pievel valerus
Che dumbra spir mattauns?
Sas il pievel bellicus
Ch' a adin' armai ils mauns? | 5. Mo lu sche ina feglia nobla
Lagegia sin il tron,
Ella va cun colonia nova
E ced' a feglia il tron. |
| 2. Mai in retg ha tolerau,
Mo Mumma — ha Regina;
A quella er sei scumondau
De vignir cugl um perina. | 6. Durond il temps dell' assponsalias
Bia giuvens ein pinai;
Els fan tudì lur bachanalias
E vegnan bein gastai. |
| 3. Dellas nozzas emprim di
Per el ei stau la mort;
Cun quellas spusas — ei sedi —
Ligiada ei quella sort. | 7. Per ir a nozzas ein sgolai
Ell' ura de calira,
Mo biars — sedi — ein ils clommai,
Mo in ha la ventira. |
| 4. Denton er ella buca pli
De nozzas vul saver;
Ord casa mai vul ir in di
Per il suleagl guder. | 8. Ma giest grad quel, o pauper um,
Cun sventira va en bratsch;
Arrivaus ch' el ei il pli sisum,
El morts dat giu sil tratsch! |

- | | |
|--|---|
| 9. Spusa uss a casa tuorna
E carga il stilet,
E catscha quel sco ina stu-
orna
A soras tral corset. | 13. Las catschan vus en ils cantuns
E cargan pil cavez:
»Duvrein nuot pli de quels
schlampruns,
La spisa figei vus sez!« |
| 10. Tuttas vegnan attaccadas
Las soras de noblezia,
Tuttas vegnan stiletadas
El letg de lur noblezia! | 14. E cu els uss per fom dustar
Vid briec de mèl rugegian,
Ad els las dattan de schigiar
Lur tissis che blogegian! |
| 11. Sigirada uss la dinastia
E mortas las princessas,
Vegn ei sunau tut en legria,
A Regina fatg caressas. | 15. Ein nauschas femnas e terri-
blas,
Els tuts a mort trueschan,
Catschan en ad els lur siblas
Ch'els en anguoscha greschan. |
| 12. Mo uss, vus umens pau-
perets,
A fin va pardananza;
Las catschan vus sco gian-
terets
Ell' uniun della tempronza! | 16. Quei ei in stat de Amazonas,
En quel jeu buc less nescher!
En quel less buc ligiar las
monas,
Ei meglier de uss quescher! |

10. Miu jert.

- | | |
|--|---|
| 1. In amitg hai jeu sper casa,
Cuscheivels e fideivels,
Igl ei — il miu jert-casa. | 5. Il fiuc della pugnada
Entras ils gits spizaults
Survegn ina bugnada. |
| 2. Ad el sai confidar,
Svidar von el miu cor,
Ed el sa consolar. | 6. Pinada cun la torta
Ei viva seif de spinas,
Vilada ei la porta. |
| 3. Ins stat cun el retratgs
E sa en bien ruaus
Disquorer sur ses fatgs. | 7. Mo vegni tussegada
Macorta engurdienscha,
Ei dat ina splimada. |
| 4. Ins ei ord la canèra,
Enqunter il disturbi
Ei fatga la palèra. | 8. O gie. asil, confiart,
Ruaus e libertad.
A mi dat il miu jert. |

- | | |
|--|---|
| 9. El ei gie regordientscha
Digl jert original,
Cun sia beadientscha. | 20. E quels pilvè enblidan
De passaport far dar,
Cul dulsch els seconblidan. |
| 10. Tschentaus da maun divin,
Quel fuv' in paradis,
Igl jert il pli carin! | 21. Tuttas ellas portan
Vistgiu de atgna moda
Tut finas seconportan. |
| 11. Ord quel lu bandischai,
Entras in' <i>auter</i> jert
Essen vigni spindrai. | 22. Orduttas las contradas
Las modas dellas «biallas»
Cheu ein representadas. |
| 12. Aschia ei il jert
Conpendi della sort
De tuts en quest desiart. | 23. En nova fluriziun
Fideivlas ein restadas
Alla veglia tradiziun. |
| 13. Denton el jert si creschan
Diversas biallas flurs
Euttas bi flureschan. | 24. Las han exact salvau
Il tagl che il scaffider
Ad ellas veva dau. |
| 14. Tuttas sezzas filan
In verd e bi lenziel
E lur colurs en tilan. | 25. Entras lur benefecis
Miu jert ei in museum
De divins artificis. |
| 15. Tiel verd de luverdi
Vegn in vistgiu festiv,
Ch'ei fatgs or spir vali. | 26. La flora ei in tempel,
Ell'ei er plaid de Diu
Che fa per nies exempel. |
| 16. Mintgina dat colur
Second siu agien ègl.
Il vali de sia flur. | 27. Las flurs ein gie perina,
Buc miran cun scuidonza
Cuntenza ei scadina. |
| 17. Las dattan alla flur
Suren sco in deletg
Speciala bun' odor. | 28. Las dattan mo adatg
Mintg' ina sin sesez.
Mintgina fa siu fatg. |
| 18. Ord ils inquisiturs,
Che ein ils noss aviuls
Fan ellas amatur. | 29. En lur diversitad
Entras la toleranza
Daventà l' unitad. |
| 19. Vignient per explorar,
Las mettan si de beiber,
Per far els enblidar. | 30. Aschia lur bellezza
Survegn la sia cruna
Dals mauns della carezia. |



11. Jubileums!

1. »Ei glei la moda oz il di
De celebrar Jubileums;
Ins celebrescha tals tudì,
Tut ei spir Jubileums!
2. Mo jeu, jeu pauper, vegl calzê,
Ch' avon 25 onns restnovs sun staus,
Vignient ord ils mauns d' in bien calgê,
Jeu vegnel enblidaus!
3. Tgi less descriver ils strapaz
Ch' ai fatg sin tontas vias!
Tgi less dumbrar nes pass-sbargaz,
Sur tontas craperias!
4. Perquei hai piars schon 12 gadas
Mes dens schi ferms sco fier:
Hai era giu diversas plagas
E screffels biars vitier!
5. Al miedi er sun enqual gadas
E ferm vignius a mauns!
El ha cuntschau las mias plagas
E fatg puspei mei sauns!
6. Ed uss che sun isaus e vègls,
Ch' ai piars il miu conpogn —
Ins vul mei better ord ils ègls,
Sut pegna s-ch' in tortogn!
7. Meritass jeu buc tras jubileum
De vignir bein honoraus!
Udess ei buc ch' in jubileum
De mei fuss incantaus?!«
8. »Ah ti, tgei vul pomai tschintschar!
Ti eis mo in calzê!
Mo jeu, gie jeu sai celebrar
In jubileum pilvê.«

9. Tier nozzas e tier gasterias
Mei han purlau Signurs!
En las pli noblas usterias
Hai buca fatg paucs turs!
10. Cun mei, che haiel num *casacca*,
Ein biars schon sefatgs grons!
Cun tut ch'ei vigniu en enqual baracca
A mi scarpau ils pons!
11. Vid mei han tratg da cuminonza,
— Mo Dieus sa contas gadas! —
Ils cumpars la pardanonza;
Da leu ein mias plagas!
12. Beinduras er ils crediturs
Han tratg per la *casacca*!
Gidau ded ir cun las colurs,
Ha era enqual dracca!
13. Ed uss ch' ai fatg tons onns survètsch,
Ins lai per engraziar,
Perquei che vignida sun in pau de pètsch,
Dals *muleuns* mei si migliar!«
14. »Ah cala uss cun tiu lamentar!
Nus vein tadlau in' urialla!
A negin stat meglier jubileum celebrar,
Ch' a mi, ch' ai num *capialla*!
15. Avon 25 onns jeu fuvel restnova,
Jeu fuvel schi fina e bialla!
A mi er' ei dau tut quei che sedrova
Tier ina stupenta *capialla*!
16. Hai giu la honur de far da caruna
Sur testas fetg fulenadas!
En quellas beinduras udevel ina suna
Cun melodias fetg sfarfagadas!

17. Jeu sun lu vignida fetg lunsch entuorn,
Beinduras sufflad' en ballun;
Cu fuvel puspei revignida dal stuorn,
Jeu vevel in auter patrun!
18. Beinduras sesevel ujersch sur il tgau
D' in ver e fatg scalorgia,
Beinduras jeu era stevel in pau
Sin ina testa cavorgia!
19. Per sesez hai pattiu da mes viadis,
Hai piars in pau la colur;
En contact sun stada cun animals selvadis —
Sentel aunc ussa schnavur!
20. Cun tut essent aunc restada schi bialla,
Sche audi de celebrar jubileum!
De alzar capialla avon la capialla,
Cun in solemm jubileum!



12. 1. Settember 1898.

(Scumondada della catscha; muntaniallas plaidan.)

- | | |
|--|--|
| 1. »Heissa, vus cumars!
Jeu portel oz nuviolla
Che fa nus quort' uriolla!
Heissa. ô! cumars!« | 5. Cu glei gie S. Vrena,
Enprim di de Settember,
Enzenna lu dil giomber,
Desperas glina plena! |
| 2. Uss tscheu e leu cuchegian
Las ondas de marveglias,
E gezzan las ureglias
E l' aria fin studegian. | 6. Sche fussen buc nus grischas,
Dals catschadurs vigniessas
Vus autras tuttas messas
Bein spert en lur valischas!« |
| 3. Anflond nigliu in prigel.
Spert ellas serageglian,
Ord lur ruosnas seglian
Ensemen en marigel. | 7. »Halt, enprim tadlei,
Tgei hai de raquintar,
Tgei sai vus rapportar
E lu pér giudichei. |
| 4. »Esses ord la suna?
— Savila ina tatta,
Mirond ordsut la platla --
Sei oz enzenna buna! | 8. Igl ei verdad francada:
Cuera ha decretau,
Bern ha confirmau:
La catscha ei scumondada!« |

9. »Tgei? fuss quei verdad?
Ti vul mo cuglienar
E nus mo tschurventar,
Cun nus far narradad.
10. Bnc ein schi gienerus
Ch'els vessan in tal cor,
E schessan lu aunc or,
Per far plischer a nus!«
11. »Buc per plischer a nus,
La *zoppina* eis ei stau
Che ha els mo sforzau
De dar perdun a nus!
12. Essent che nus fetg tschunsch
Savessan si pigliar
Il mal, e quel rasar
Lu ora aunc pli lunsch!«
13. Vargada la risada,
La nossa misterlessa
Cun grond' acuratessa
Continua cun plidada.
14. »Er quels cheusi cun corns
Han nuota protestau!
Il niev han publicau,
Schulont sin tuts ils cons.
15. Schizun ha els legrau
Il trest della nuvialla,
Ch'ad els en pintg' urialla,
La zoppina ha s-catschau!
16. Turblaus en il giudezi,
Ei in lur gron manader
Siglius sco in tentader
El lag de S. Murezi!
17. Ed uss, ti veglia tatta,
Ch'as traso de visar,
De nus apostrofar,
Mo stai en sut la platta!
18. Mo stei vus autras veglias
Tudì en vossas taunas,
Che vus resteies saunas
E vegnies aunc pli veglias!
19. Nus giuvnas lein saltar,
Grad oz sil dî dil prigel!
Saltar lein en marigel
E legramein schular!
20. Denton avon ch'entscheiver,
Proposiziun jeu lessel far:
Ch'ins duessi ponderar —
Per prolunghir iltscheiver —
21. Co in savessi senschignar
E far che la zoppina
Ina gada per adina
Cun quels cheugiu stuess star.
22. Jeu haiel paterlgau -
Nus duessan deputar
Cheusi e supplicar
Ch'ei vegni procurau.
23. *Els* vegnan lunsch entuorn;
Cumprar san bein adina
In tec sem-zoppina,
Ch'ins betta lu entuorn.
24. *Els* giu sillas cauras,
Nus ò sillas vaccas;
Las ein gie ton pulaccas
E sminan nuot las auras!
25. Sche leis quei approbar,
Vi jeu e l'Onda gronda
Serebitschar sisum la gonda,
Cun quels de corns plidar.
26. Nus lein en sigironza
Metter la zoppina,
Vitier in pau tschocchina,
Per nossa sigironza!

- | | |
|--|---|
| <p>27. Denton po ei fruntar,
Pér cu las vaccas van,
Ch' els desideri han
De nus aunc mulestar.</p> <p>28. Perquei nus lein fanar
Uonn in pau pli baul;
Savein lu er pli baul
Semetter a ruassar.</p> | <p>29. Vignient els lu a vitg.
Nus essen schon sut cozza,
Nus schein lu els en lozza
Spitgar in pau de ditg!«</p> <p>30. Tut ferm uss applaudescha!
Eviva la zoppina!
Eviva la zoppina!
Tut che jubilescha!</p> |
|--|---|

